



# Tuhaayakhaq

## Kangiqluapik Itiqtauniknahuaqtun

**IQALUIT, Nunavut (February 15, 2007)** Upalungaigutiit napaqtigianganik mamiqhaivikmik itiqtauvingmik talvani Kangiqluapikmi, Hivulliuqti Maligaliqiyikkut Ministanga Paul Okalik uqaqtuq ublumi.

“Quviahuktunga taima tamagaalungit aviktauningangit Nunavunmi itiqtauviquaqniaqtun. Kangiqluapik pukuktauluaqtuq tunngavikhamik napaqtigiyanganik itiqtauvikhaqmik taima tunihinahuaqtun avaliqangitumik atugutikhaqmik mamikhaivikhaqnik atuqtakhainganik itiqtauhimayunik talvanga Kivalliqmi aviktauninganiitunik,” uqaqtuq Okalik.

Havakviat Maligaliqiyikkut uqaqatigihimaaqpaktait Hamilaangit, Kangiqluapik Maligaliuktangit, Kivalliq Inuit Kayuqatigiit, nunalaanilu tigumitjutiaqtun talvuuna itiqtauvikhaqni. Tunngavikhanga aulavaktun uvani havainiqmi. Ihumagiyaayut atuqtauniaqtun maligutikhangit iliktigutianga havaaqhangit itiqtauvikhaq, ayukhaitjutikhaqniklu havaktukhanik itiqtauviklu ilagiiknikhaanga nunalaanut.

Ihumaliuyagiikhimayut taima avatqutjutiaqniaqtuq itiqtauyukhanik 36nik. Una upautiniaqtuq avaqtjutikhangit Kivalliqmi.

Kinguliuyut tunmigaagutikhangit taima Nunavut Kavamangit iniqtianganik tamna havaaqhaq havaktukhaqhiuqluniklu uqautjutikhaqnik iliktugutikhaanganik napaqtigiyanganik. Taima aullatjutikhanga tunngavia upalungaitjutikhangit aulaniaqtun 2008mi. Nallautigutikhanga iniqtianganik ubluanga napaqtigutinga iniqniaqhimayut 2011mi.

“Quviahuktunga takuyanganik itiqtauvikhaqmik taima aullatjutiniaqtuq havaaqhaqnik taimalu itiqtauhimayunik qaninniaqtun nunangani Kangiqluapikmi,” uqallaktuq Kangiqluapik Tunngani Maligaliuqtiangit Tagak Curley.

“Namagikpaiqtaga napaqtigutikhanga tamna itiqtauvikhaq talvani Kangiqluapikmi. Tamna nunalaangit piqaqtun naunaitunik ikayuinaqtunik havakviinik uqautjuikhaniklu hanaqitjutiaqtun piqaqtukhayut uminga igluumik,” uqaqtuq Kangiqluapik Hivugaangit Tikiraryuaq Maligaliuktat Levinia Brown.

Miyaangat Kangiqluapik, Lorne Kusugak tunngahuktitiyuq ubluk tuhaatjutikhaq. “Inuit Kangiqluapikmi ihumagiyyut havaqatigiyanganik itiqtauvik havaktiingit pivalliyangnaik mamiqhaivikhaqnik havaaqhat itiqtauvikhaq nuutaq. Taima nunaqaqtunik itiqtauvikhaq ihuinaqaqtunik, ihumagiyaunginaqtun nagligiyaayut. Ikayukhugit ikayuutiginiaqtaat mamiqhaiyanganik ilaqaqtunik,” miyaa uqaqtuq.

-30-

Tuhaaqtitiyunik Hivayaqlugu:  
Wende Halonen  
Tuhaaqtitiunik, Kavamaliqiyikkut  
☎ (867) 975-6046